



特別
A5
3735
'2



115
3735
2

教相極要鈔下

第十重下

又佛身及華座等者佛身即是第八像觀等者
 等取第九真佛一法者合地華像真而云一法
 成此四觀餘觀自成也定善門戶等者外曰門
 內曰戶先入門次至戶後登堂微細也著大也
 從小至大皆是淺深次第義也定善淺深次第
 有二一約所觀境假依報真依報通依報別依
 報假正報真正報次第也二約所得定十三觀



<98-3>

以未至中間四根本六地為依地無漏定非門
戶詮次十三觀依有漏淨定觀極樂依正故未
至初禪中間禪二三四禪次第也勸持滅罪者
勸謂勸進持謂憶持佛勸阿難使憶持之故云
勸持經說汝持佛語即此義也經說若觀是地
者除八十億劫生死之罪是滅罪也願行具足
往生業成故云已圓西方寂靜等者如定記一
歸去來者樂邦文類云幻住居士擬淵明歸去
來歸去來兮西方淨土云今歸去來摸淵明辭

歟例如以中論真如廣大法性深高五乘十聖
不知其邊文摸序題餘樂者餘饒也此約能化
者指大師云能化善導弥陀再來故云歸無疑
努力等者努勉也力勤也言用力勉勤是云努
力如云勇猛勤精進我念等者初我流布我後
二我本覺真我也釋論二云於出時中我來依
他者即是下轉於入時中他來依我者即是上
轉又云我謂真如本覺來謂受熏之義矣言本
覺真我受無明熏本覺自體依無明他故云依

他無明妄法受真如熏無明他相依本覺我故
云依我清淨依果者依報淨土依報淨土全一
法句故云第一義諦等也極樂入一法句等者
大師釋云一到弥陀安養國元來是我法王家
矣今修淨業往生淨土歸於本覺本有故鄉故
云歸去來亦云我等本有悟也般舟讚記云元
來等者本覺真我名之為我真如之城名法王
家矣三不成等者出於弥陀淨土論今此極樂
得生凡聖共見淨土一人而無見穢土者斯乃

三不成下

唯報淨土故然維摩經梵王見此界於淨土身
子見此界於穢土依此兩人見異弥陀天判三不
成淨穢一塵謂之一質淨穢二塵而未各別謂
之異質淨穢之中摠無四塵謂之無質三質皆
錯故云不成問淨穢二土為一塵二見答維摩
經云隨其心淨即佛土淨言淨土淨心所現穢
土穢心所現故淨穢土非是一塵論云一質不
成故淨穢有虧盈矣淨穢有虧盈者梵王見淨
即淨盈穢虧身子見穢即穢盈淨虧兩人二心

異故所現土有淨穢殊何云一質故云不成問
淨穢二土為二塵二見答安樂集記云淨穢二
心其相雖異真如本一淨穢二土其躰雖異法
性本淨故云異質不成矣此答中淨穢二土其
體雖異者穢土有漏四塵為體淨土無漏四塵
為躰故云淨穢二土其體雖異楞嚴疏云眾生
穢土以有漏識為體諸佛淨土以無漏智為體
卽此義也問淨穢二塵應言異質成何云異質
不成平答第八所現二塵異質真如緣起二塵

非異質所以者何相宗意不許真如緣起故淨
土四塵從無漏種子現行穢土四塵從有漏種
子現行淨穢四塵求是各別是云異質感師判
異質成卽此義也然性宗意雖淨穢相漏無漏
異真如緣起成淨穢故淨穢一法故安樂集記
云真如緣起淨穢色質是故淨穢全是一法是
云異質不成此記意真如緣起成淨穢故淨
穢二塵全是一法也但繫鈔十七有子細恐繁
不載之問淨穢中全無四塵唯依機妄為見淨

見穢答安樂集記云真如緣起四塵各別故云
無質不成云問安樂集記以淨穢一塵爲一質
是約淨穢色相今一質執淨穢無二是約真諦
體一事相與理性既別云何會之答安樂集記
三不成與今三不成言同意別其意別者所難
意也異質執等者問感師釋以同一處異質不
成云未異處此義可云非異質執乎答此未
異處與彼同一處雖詞異意全同彼師相宗故
執異質成不許真如緣起淨穢一法雖釋唯是

一如攝相歸性門義而不關性宗也今所言一
質滯真諦體一無俗諦由二眼異質泥俗諦由
二無真諦躰一眼故共云瞎漢無質無真俗兩
眼故云盲漢問華嚴經說衆生妄分別有佛有
世界若了真法性無佛無世界見上無淨土下
無穢土開覺法性爍迦羅眼何由云盲漢乎答
一質異質是許淨穢無質即是不許淨穢不見
淨穢故云盲漢諸佛菩薩雖云無淨穢而不廢
淨穢亦雖云淨穢不背無淨穢實際理地不受

一塵佛事門前不捨一法卽此謂也然衆生計
有佛有世界猶是法執爲遣此法執說衆生妄
分別等也非謂無淨穢上淨穢於妄分別也縱
起有見勿起無見况邪見乎諸佛說法等者維
摩經文也不壞假名俗諦而說實相真諦也業
力所隔諸佛所構者此二句下揔標業力所隔
約機情邊諸佛所構約佛知見雖在當處非如
一質者約佛知見雖在當處俗諦由二時穢土
衆生共業感淨土如來別報感故云非如一質

十方億下

十方億刹非如異質者約機情邊雖十方億真
諦體一時淨穢二土全是一法故云非如異質
直生當處不壞十方淨名方丈王質半日如次
佛知機情也問生當處極樂爲十方億刹假說
何云不壞等耶答不移東西直生極樂雖然業
力所隔不見淨刹故云不壞等王質等者述異
記云信安郡石室中晉時樵者王質逢二童子
棊與質一物如棗核食之不飢置斧於座而觀
童子曰汝斧柯爛矣質歸鄉無復時人矣此記

不云王質逢七世孫續齊諧記意漢明帝時劉晨阮肇二人入天台山迷路入仙家住半年還家鄉得七代子孫矣此記云劉晨阮肇逢七世孫具如蒙朮但劉阮居仙半年而江相公文作半日文章也例如子安死後三年而蘇然云千齡雖延促殊共例文章王質云逢七世孫有異說勸之搜玄即冥者安樂集云搜原則冥群疑論云搜玄即冥今依玄本搜謂搜朮玄謂幽玄冥謂冥契言朮幽玄理淨穢二土真如緣起即

契一理故云搜玄即冥依正相兼者一家釋別依報論主判正報座功德即此義也經有等者經說汝等憶持此是勸持說廣爲大衆分別解說是勸說也一家釋云等者勸持勸說釋觀法深要今所用也急救等如上三身觀者一佛二菩薩謂之三身經云見一寶像座彼華上觀世音菩薩像座左華座大勢至菩薩像座右華座矣多身觀者多之三身云多身觀經云一一樹下復有三蓮華諸蓮華上各有一佛二菩薩像

遍滿彼國。上比斯乃群生等者。衆生障重不堪。直
觀廣大身量。故如來先令觀形像。震響者。觀經
雖無說法之文。而准大經釋說法義。大經云。梵
聲猶雷震。八音暢妙響。上比釋震響經。雷震八音
中深遠音也。光沾有識者。沾益也。言有識者有
緣。衆生以攝取光。利益有緣念佛行人。故云光
沾。光益有緣。意全同也。彼思觀佛等者。問彙鈔
云。發起夫人不可迷。答請自說。旨若尔者。夫人
何思佛。本意在觀佛。攝取觀身別相。一分是觀。

佛光始終耶。答夫人雖知定善。答請散善。自開
定散相對時。不知念佛勝。故云彼思等。問定記
三云。如實觀光明時。彼佛光明唯攝稱名。不益
觀行。故觀照攝稱名行者。不觀照攝觀念行者。
若尔者。定觀夫人何思。攝取觀身別相。一分乎
答。記意釋觀察成念佛助業。夫人非助正兼行。
機何以知攝取益乎。觀身別相時等者。大師釋
云。明觀身別相。光益有緣。即有其五矣。一相多
少。二好多少。三光多少。四光照遠近。五光攝益

如是於佛身觀五種別相故云觀身別相觀身
別相第五之段說攝取益故云込說如無量壽
經等者問釋大經云唯明專念判觀經亦云唯
標專念然述小經云專念弥陀不置唯言有何
意乎答唯識疏云唯者簡持也矣大經觀經雖
說諸行往生而非本願往生本願往生唯在念
佛以此義故簡去餘行持取念佛故云唯也然
至小經念佛之外而可簡去更無餘行故不言
唯也於此唯標亦有二義者第一廢立者選擇

云諸行為廢而說念佛為立而說矣隨自意前
廢定散行唯立念佛故云廢立佛說諸行定散
衆機樂欲異故佛對其機而說定散然選擇為
廢而說者對隨自機顯本願時佛意亦自有廢
餘意故云為廢非謂如來直為廢說定散行也
第二助正者選擇云為助念佛之正業而說諸
行之助業矣助業有二四種助業純西方行故
云同類助業三輩餘行雜行而非純西方行故
云異類助業第三傍正者選擇云雖說念佛諸

行二門以念佛而為正以諸行而為傍比若依
善導以初為正者大師廣釋諸行往生是傍正
義前三後一而為助業是助正義雖然弥陀本
願釋尊隨自唯在念佛故以廢立而為正也一
心專念等釋上來雖說等文即此義也不觀相
見者文殊般若經云不觀相見專稱名字云斯
乃廢觀念勸一行三昧也專心念佛者定說三
有三義中第二義是稱名念佛今所用也第一
義觀念念佛第三義通觀稱有三義故云但有

子細始從教相第十重至但有子細第十重定
善義相傳竟自下上來十重教相釋結歸信一
字於中從初下至開故也初重散善義也此二
者等六字結前生後從單信大信下至亦復如
是從第二重乃至第八重也玄義七門故乃至
第十二等十一字亦是結前生後從連經至現
國也第九重也從於淨土門至見也第十重也
如是相傳釋下至下結釋十重大事信一字是
也故說念佛化惡人等者下上品人經說極重

惡業故臨命終時雖聞十二部經首題名字但除千劫罪一聲念佛滅五百万劫罪故云望佛願意等也但有子細者如今所判以汝若不能念者念判觀念念下云觀念廢故但經釋意不能念者念稱名念也其義曲如二藏頌義今判釋甚違經釋意故云但有子細問作者何由違經釋意乎答上云說念佛衆生攝取不捨時自有觀佛爲傍意有觀佛爲助意有觀佛爲廢意上有觀佛爲廢意今廢觀佛爲直顯言故說汝

若不能念者判觀念廢也又以汝若不能念者念云觀念念云觀念念一義在鎮西宗要四故云分陀利華者此云白蓮華華中最勝故如來說說喻念佛人大師此華釋五種名讚念佛人也一代教興等者從竊以真如下至無由顯照明佛出由致從故使大悲下至皆蒙解脫明一代教興然衆生下今經緣起要門等如第二重七門等者此段標從第二重第八重故七門玄義今所用也言十二門玄義因七門玄義釋出也

言從麗至細非但序題一門七門玄義十二門
玄義亦復如是云鴟草莖者戀約束證故對餘
人秘不言之隨自意亦對隨他人顯不說之故
云隱置亦云密意自非大師自解佛願妙德孰
人悟如來密意鴟草莖見乎四帖疏等者以觀
經疏為本配教興教相宗旨宗義於餘四部問
選擇非大師所造何今引之乎答集第一篇約
證教相配序分義云為先也觀念法門宗旨為
先者觀念門云依觀經明觀佛三昧法依般舟

宗義下

經明念佛三昧法比是於文初明兩三昧故云
為先般舟讚一面者彼讚首題云依觀經等明
般舟三昧矣般舟三昧者念佛三昧異名也故
云宗旨為先禮讚宗義者禮讚意從二者深心
開出三心五念四修一行三昧故云宗義交答
上云禮讚前序中答定得往生問舉三心五念
四修一行三昧比此定得往生問者大師御意
二者深心禮讚云定得往生乃至一念無有疑
心故名深心散善義云乘彼願力定得往生又

云一心專念彌陀名号定得往生又云定得往生必無疑也已前後二心不釋定得往生也辨師上人釋禮讚前序相傳判末代念佛者知淨土一宗之義修淨土一宗之行故云禮讚宗義為先最是甚深秘藏義也法事讚宗義者彼讚釋小經念佛往生信心難立故於此經有證誠也彌陀經云汝等衆生當信是稱讚不可思議功德一切諸佛所護念經矣法事讚云為斷凡夫疑見執皆舒舌相覆三千共證七日稱名号

又表釋迦言說真此法事讚雖非文初從於多分言為先也星斗柄者北斗七星一貪狼星一巨文星三祿存星四文曲星五廉貞星六武曲星七破軍星也天文志云一至四為魁五至七為杓矣說文曰謂斗杓為魁柄矣貪臣祿文四星謂之魁廉武破三星謂之杓杓標也言北斗七星善示吉凶能標時節故云斗杓亦云斗柄言異意同西都賦云正月建寅北斗柄夕則指寅曉則指午矣斗柄正月戌時指寅方十二

月戌時指丑方一夜從寅指午如此七星運行
是譬五部順逆也散善義惣等者散善義惣猶
如大網三卷之別又若網目舉於大網網自動
故十重六事歸信一字也問深心即名宗義乎
谷深心能開宗義所開也問隨自意時宗旨宗
義差別如何答念佛即是一經要行是名宗旨
從深信心開出念佛是名宗義也李君等者前
漢李廣事文帝景帝武帝三代今古事武帝時
也廣出獵見草中石以為虎而射之中石沒鏃

視之石也復更射之不能入石矣今云李君稱
義詞歟具如史記王霸等者後漢王霸從光武
征王郎聞即丘在後從者皆恐至滹沱河侯吏
還白河水流澌無船不可濟令霸往視霸恐驚
衆還詭曰水堅可渡前至河河水亦合乃令霸
護渡沫畢數騎冰解上曰王霸權以濟事殆天
瑞也具如蒙求此二譬見虎不疑聞水不疑是
今所用也一家釋云等者散善義釋今信順二
尊之意玄義判今乘二尊教廣開淨土門今信

順二尊意與廣開淨土門二文引合釋也今信
順今乘二尊意二尊教詞異意同故淨土檀林
等者華嚴智論以信心譬手故一家釋淨信心
手安樂集以旃檀喻念佛若人入檀林無手何
攀枝今遇念佛法如入旃檀林若無信心手空
歸於三塗故云無手愁矣

三重玄義下

亂切紙者亂對次第詞也如大經說隨色次第
而不雜亂十重教相四帖疏次第也但以散善

義為初重宗義本據故第二重已下玄義七門
序分義定善義次第也然玄義法事讚乃至往
生要集八部各別書而非一部次第文故對十
重次第而言亂也言切紙者於後代之廢忘書
口傳於紙上謂之切紙故切紙義通於三六言
局八通也是最初重者此書本是十八通別紙
也學者為今易見近為帖書依之前後雜亂不
正若欲書寫可書五部次第依明法事讚記五
部次第三重玄義法事讚觀念法門般舟讚次

第論註已下作者次第也。玄義名義如玄記一
槩鈔一皆是門前者始從。如是我聞終至禮佛
而退文文句句細釋義理謂之文句謂之文中
惣而言之三重玄義皆是文前於從如是我聞
已前粗顯一經大旨故問第三依文釋義與然
後依文釋義同異云何答異也釋先作七門料
簡已云然後依文釋義故然後依文釋義指序
分義已下三卷第三依文釋義於玄義七門中
以義且云依文釋義也畧依文釋義言者標列

釋第三依文釋義并辨宗旨不同教之大小顯
二門玄義至正釋判三辨釋宗旨不同教之大
小顯七門玄義故云畧依文釋義言開出六段
者初諸師解門第二道理來破門第三九品返
對門第四出文顯證門第五別時意門第六二
乘不生門也於此子段置第字者問六段最初
云初言諸師解不云第一何云於子段置第字
乎答釋第二第三乃至第六故初言之詞自顯
第一也十一門義等者上上品前中上品前下

上品前於此三處判文前摠料簡卽爲十一門
等於從九品文中已前釋十一門義故文句中
玄義也

法事讚下

摠勸等者三界無安雖皆可厭而人天中暫有
少樂雖有少樂八苦逼身隨惡趣苦不久是故
摠勸一切行人令厭之徵詰者徵責也詰問也
指經舍利弗於汝意云何等也以發願心令知
等者問法事讚記判持心不散於起行何今云

以發願心令知有念佛行哉答是有二義一義
如記一義云口史鈔云六時強發願等者指經
三世發願發願強持心不散如念佛誦經業道
亦成也此斯乃以發願強下句云持心不散也
業成之言以除障故者或云成業或云業成其
義大異也成業者約念佛法體言三心具足念
佛不論罪障滅不滅悉成往生業故云成業業
成者約罪障滅盡故云業成之言等往生業障
悉盡等者問以業障滅盡名業成其證如何答

散記三云問寶王論云一念弥陀佛即滅無量
罪比若尔初念時所有多劫罪皆悉可滅盡何
及十念漸次除盡答衆生業成未必一准或一
念等或十念滿以根別故今說其一故云滿十
比問難初念可滅盡答會衆生業成未必一准
以業障滅盡名業成分明也問業成通平生乎
答尔也註記三以今讚文爲平生業成證也問
此義不審大悲芬陀利經云彼見我已除諸障
礙矣珍海引此文云往生業障未盡之前佛先

進來豈不特哉比明知業障滅盡在佛迎時若
以業障滅盡名業成同他流万機臨終成若業
成通平生不可局業障滅盡尔者如何答機不
一准上機平生業成命終感佛迎今讚釋業成
見佛華臺即此義也下機臨終業成所難經釋
偏約下機滯此經釋業障滅盡言局臨終失却
名号滅罪功德如來說乃至一念無上功德大
師釋一聲稱念罪皆除若有上機如說修行或
一念或多念可業障滅盡豈局佛迎時乎雖有

不退轉下

難易勝劣願非願等差諸行業成猶通平生况念佛乎非是言得不退轉位等者初住已上位不退初地已上行不退八地已上念不退也未斷凡夫何由得不退位順次生可成佛人故具三不退德也然師上人法語等者然阿上人也問業事成辨人有永退乎答余也口次鈔舉先哲二義鈔主有評判西願一義云鎮西宗要見聞云深心中深者雖遇退緣而不可退矣况業成之人乎然平生業成機大師或釋心無間

或述強發願此豈不深乎余者業道成辨者一向不可退但今大旨不可退者凡夫地故設有劣弱機雖退其心應是暫退故云大旨等然而無永退是異業未成三心具行者實有少分永退者故云自三心強盛蓮一義云實可有少分退凡夫所行故爰以要集鈔云先師云雖業道成凡夫故許有少分退矣今佐介自筆狀云業成者大旨不可退自三心強故矣大旨言聞有少分退但三心與業成強弱異故雖同許少

分退業成之上退者希於三心退比鈔主評判
云二義共當流先哲所存雖俱不可取捨但聞
勝願寺之處者後義意也雖同少分退依業成
不成亦可有多少一向不退義宜斟酌凡夫所
行故云云又次疑鈔引淨業先成之者釋義通永
退業成永退少分何無之乎探要記五云信知
雖成往生勝業若值違緣故作罪障抑所成業
不得往生云云問證誠經無假說若尔者三心業
成共不可少分退說是諸人等皆得不退故答

皆字有二意如說皆是阿鞞跋致皆悉義也彼
界一人無退者故如說皆是大阿羅漢皆多義
也如來在世阿難有學而非阿羅漢故今皆得
不退多之義也至如華嚴等若華嚴所說別教
一乘一乘之中至極所談故云極唱云高山頓
大之法一極唱高即此義也華嚴法華共是一
機一緣得度非是諸人平等普益華嚴所談三
生成佛法華所說漸漸成佛非是頓次成佛授
記弥陀經說是諸人等皆得不退此是諸人乎

等普益順次皆得無上菩提卽是一生成佛授
記誠是不可思議功德也約法體具德等者三
心具足念佛有必生德是名法體具德故不論
罪滅不滅比云不退轉也無邊等者靈芝小經
義疏文也無漏功德攝在名号名爲聖德唱之
功德熏習藏識是則名爲攬入識心熏習功德
不散不失爲成佛因故云永種頓除重罪滅罪
功也獲得菩提生善德也至誠心者第一心往
生大願第三心舉前後顯中間此是約三心必

生德判不退轉也凡夫實我等者實我人執實
法法執我法二執體性都無而非實有故云虛
妄虛偽聞持記者此文靈芝小經義疏文也靈
芝弟子戒度造義疏末書是云聞持記也具縛
凡愚者注十疑云縛謂煩惱能纏縛人凡夫具
有故名具縛凡夫比屠沽下類等者韻會云屠
剝也殺也又云酤一宿酒也造之一夜而熟又
賣酒通作沽比尸子云屠者割肉知牛之長少
沽者知酒之多少也比屠者割肉賣之助身沽

者造酒沽之資命是至卑賤故名下類未斷凡
愚不經地位直入佛地故云超越成佛不勞等
者勞謂功也凡於此界修万善因得成佛果是
名為勞往生淨土不假功勞任運成佛故云不
勞還來苦界作津梁者津梁也梁水橋也詩造
舟為梁今浮橋也還來苦界教化衆生渡生死
河至涅槃岸如世浮橋故云津梁浮橋今舟橋也

觀念法門下

非離色光等者問色光遍照十方世界念不念

者情非情等心光唯攝念佛行者何今云離色
光無心光耶答記意顯光體無二例非如日光
外有月光色光之上副於佛意而名心光其佛
意者即是護念護念不捨故名攝取今文云彼
佛心光常照是人攝護不捨即此義也心緣法
界照慈光者二十八兩願上益照念佛人蒙
光觸者塵勞滅者第三十三觸光柔軟益滅罪
由故云塵勞滅名體等者名謂第十八名号體
謂第九觀佛體義謂第十二光明由謂三十三

願益體上所備德義謂之義義上所施德用謂
之用此體義用三悉依名顯之故稱名号無何
佛光照念佛行者故論云稱彼如來名等問稱
彼如來名者念佛名也光明智相者念佛義也
名義具足有不捨益論主名義一家心光全是
同何云大師作今一重勝心光釋哉答論主判
名體義用不離故無何佛光照名号行者一家
彼佛本發光明名号之願酬此兩願相好光明
唯悟照念佛行者思召佛意釋彼佛心光等故

云一重勝也悟兩願佛意故云大師十德中第
一等也別發等第十八願相好等第十二願唯
緝念等兩願上佛意也但今大師十德所出未
勸之布薩式舉大師十二德中第一本地高廣
德而非自解佛願德又弥陀本願義疏并一乘
戒儀廣本上下雖云上人作一分不相似大師
高判祖師解釋學者應知唯觀色身力何輒知
佛實心者若依相宗佛實心者在自受用身他
受用變化二身唯假現心心所而無實心今就

第九觀佛他受用報身論實心相分記主之意
見佛心者約相分心內心慈悲顯於色相見相
知心名相分心鈔主一義許事相觀直證無生
蓋觀色身見佛實心乎平等寂滅等者寂滅不
生不滅之義雖通因果今寂滅者佛果所證實
智之前無是非差無向背別故云平等常平等
實智常差別權智也不觀佛身正見佛心者不
觀佛身非是知見於相分心亦非心開知見佛
心唯依一家大師恩力正見佛心其佛心者慈

悲心是其慈悲者無取捨上攝取不捨也影現
等者定中所現佛非本質故云影現居在如要
集靈芝釋觀行之時佛現心中若不觀時佛亦
不現故云有時口稱之時不口稱時彼佛心光
常照是人故云無間也

同觀念法門中四事助勸喜者飲食衣服臥具
湯藥以此四事行者供養阿彌陀佛也皆得成
佛等之等者等取現在未來諸佛也加阿彌陀
三字者大師加三字也十住論中等者止觀二

引十住毘婆娑云佛眼佛父無生大悲母一切
諸如來從是二法生矣妙玄六云十住毘婆娑
云般舟三昧父大悲無生母一切諸如來從此
二法生比今所引文全同止觀但脫第一句四
字第二句生一字多第三句脫諸一字引文不
正故義不分明斯乃可書寫錯取要言之實智
即父權智是母一切如來從二智生今引之意
三世諸佛念佛成覺約有緣一機說其實一切
諸佛從二智生也有云加等者般舟經之念佛

三昧是通諸佛然加三字諸佛功德弥陀功德
全是平等故加三字斯乃攝論四意趣中平等
意趣也有云念過去弥陀者非但十劫已前故
言過去弥陀而以一已滅佛言過去佛也楞嚴
勢至章云我憶往昔恒河沙劫有佛出世名無
量光云無量光者即弥陀也恒河沙劫已前出
世而入滅度故云過去弥陀也有云念本地弥
陀者法華云我成佛已來甚大久遠矣是說釋
迦本地久成也靈芝判弥陀本地久成義十劫

屬赴機記主破之云本地久成在法華中非今
所談若約佛意非適今也矣問法華云云本
自有之非適今也矣准之實十劫而無弥陀久
成義何由記主云若約佛意非適今也乎答推
記主意大通佛時弥陀第九王子釋迦第十六
王子然從大通佛於塵劫已前釋迦實成道弥
陀何不然法華云七云若十六王子在大通佛
時弘經結緣皆是中間所作非本因也此爰知
二佛共是久成如來雖然機宜不同經教亦別

法華演說釋迦久成利益上機淨經不說弥陀
久成唯說十劫濟度下機說與不說是在機情
故云若約等問記主意約佛意非無弥陀久成
義余者何破靈芝義耶答靈芝依弥陀久成義
以十劫文屬赴機說故破之也或赴機或常演
此等之義皆依法華楞嚴等說會十劫文故違
經意所以者何小經十劫若屬方便赴機之說
於方便經豈有證誠既證誠經說十劫故實之
十劫而非赴機亦非常演當流之意偏依淨經

定實十劫他經異說不須和會有云延促劫智
者法華玄七云佛有延促劫智能演七日為無
量劫已促無量劫亦為七日延促劫智言弥陀
成道雖無量劫促說十劫是名延促劫智有云
四義學者自情也眾生得脫等者大師釋云佛
教多門八万四正為眾生机不同已諸佛無量
德名等者無量德無量名此有摠別摠者論註
云諸佛如來德有無量德無量故德号無量已
別者阿弥陀此翻無量同名異體阿弥陀多用

用欽戒度
二人共吳艾
艾第子也吳
智律師之
亦元照也

欽云今世傳三十六万億一十一万九千五百
同名阿弥陀已餘無量佛不成主宰此尊獨成
無量佛主也成道已後下無量無洩物故云離
事無亦云三昧出楞伽經云等者立器世間眾
生世間名目之時以佛菩薩雖各眾生成眾
外說佛菩薩故眾生者六道眾生菩薩等者等
取二乘十方佛刹亦通淨穢是則十界依正二
報問極樂無為泥洹境何由楞伽說九界迷徒
穢土不淨從極樂出耶答十界依正唯心所現

法華玄七

卷下

下

其唯心理與極樂之入一法句無二無別以此
義故說極樂出今案此義判三昧出是約去行
說極樂出即約所未約去行無量佛主宰故約
所未極樂法王家故若約等者十方佛刹所有
三身豈限十劫成覺已來故云若約等問法事
讚記若約等與今若約等為同為異答異也若
約佛意有弥陀久成義斯乃記意也若約佛意
十劫已前諸佛從極樂出故可云念無量佛此
是今意也老邁耆舊者邁老也耆老也舊老宿

也又賞者賞之言尚尚其功也十方三世已下
如第三重輞輪者輪也轂車中之容軸者也

般舟讚下

般舟讚云等者淨土莊嚴說不能盡故云無有
盡依論註意十方生者一時一日之頃筭數無
極其數故曰無窮十劫已來盡未來際雖生者
多國土廣大而不迫窄故云不相妨俱舍云等
者取有情界廣博也分虛空量者若依大乘智
論判如恒河沙穢土若依小乘此三千界外雖

明他三千界是少分故云分虛空量弘次云等
者衆生界理與佛界理無二無別故云理等言
種類者生界生數佛界佛數若人成覺佛界佛
數卽是不增生界生數亦是不減所以者何以
理等故種類亦等勿執等者禁增減執弘次二
云生之與佛無彼界別數量之異以理等故種
類亦等矣教時義云等者九界衆生迷一理故
見多衆生故云成多諸佛如來覺一理故十界
一佛故云會成大般若若有飛鳥之譬者未勘之

起信論義記上云况衆生界如虛空界設如一
鳥飛於虛空從西向東逕百千年終不得說東
近而西遠何以故以虛空無分齊故云此是生
界不減譬也大般若譬亦應此義答云云者韻
會云雲本作云云者衆語也矣大經云等者
但取不可思議詞也又止觀二云諸佛界量不
可思議衆生界量亦不可思議比此是不增不
減義也言共以不思議一法爲體故生佛二界
不增不減也五不可思議者論註云一者衆生

多少不可思議二者業力不可思議三者龍力
不可思議四者禪定力不可思議五者佛法力
不可思議比迷多覺一等者是上所引教時義
意迷覺相異故云非一迷覺性一故云非異覺
一佛上等者覺一是如水迷多即如波一水故
非多万波故非少雖迷迷等者九界迷迷元來
不動法性一理何云多生佛界悟悟普該含識
性具衆生豈云一佛斯乃迷悟不二義也一佛
身中等者生佛本來具十界故衆生即是一佛

一佛即是衆生往生十因云心性一味迷悟不
二佛心中衆生迷迷無所迷衆生心中佛悟悟
無所悟比元備等者一多兩彩元是一寶故不
增不減經云衆生即法身法身即衆生衆生法
身義一名異比一度覺轉等者問楞嚴經說覺
不生迷同疏釋悟不再迷今判覺轉佛不再還
生死迷悟隔別全以同何云小衆權門所談若
亦實教意可云覺悟佛再還生死乎吞乳水雖
混鵝鴨能知權小意談生死外有涅槃故云佛

不再還生死實教意體達生死即涅槃是真出
離生死也論註云十方無尋人一道出生死謂
知生死即是涅槃無尋相也此然難生死還不
還猶是生死實有見也不見云生死涅槃猶如
作夢但至迷悟隔別全同難權小意但執迷悟
而二不知迷悟不二其迷悟有知不知知生死
即涅槃謂之悟不知生死即涅槃謂之迷依迷
悟相異說覺不生迷因迷悟性一談生死即涅
槃一悟生死即涅槃後不再迷生死外有涅槃

故經說覺不生迷疏釋悟不再迷也問相宗意
談生死涅槃無差別何云生死外有涅槃耶答
彼宗意不許真如緣起故生死以有為有漏第
八識為體涅槃以無為真如凝然理為體五地
已上菩薩依觀生死涅槃無差別雖不同二乘
默苦欣滅其體求別故生死外涅槃也不改體
相者譬如一金作万器不失金體雖言迷迷不
失本來法性性體故云不改不轉幽旨者雖言
悟悟一切衆生本來成佛絲毫不易故云不轉

不知此理等者迷時本來不改悟時本來不轉
何由起迷悟差別生佛增減執乎佛慧者如上
一切等者一切衆生本來成佛無不成者故云
權者圓覺經云始知衆生本來成佛生死涅槃
猶如作夢比衆生無始等者法性不增不減故
生死無始無終也具如槃鈔空華圓影者空華
如常楞嚴經云如世間人目有赤眚夜見燈光
別有圓影五色重疊比和光同塵始者老子云
和其光同其塵矣止觀云和光同塵結緣始八

相成道利物終矣止觀意和佛身光同衆生塵
能同權者所同實者今意不然權者之外無實
者故和本來成佛光同一切衆生塵能同本來
成佛如水所同一切衆生如波水以爲波且云
同塵言和本來成佛光成一一切衆生塵是云和
光同塵始也生性等者釋籤二云不可得卽是
理也矣生謂衆生性謂體性衆生體性實不可
得實相無相故云無生生生等者千生万生皆
歸無生無生一理無增減故無生而生故實等

者無生之人以無生解而得往生是則真實往生義也。穢土生性等者淨穢衆生共是無相迷覺雖異無相一理無多少故無增減故無生之物等者問淨穢共是無生何由願生乎。答開悟無生深位菩薩爲早作佛願生况無生觀解人乎。穢土假名等者非凡夫所見實有人非實有人名假名人論註云因緣義故假名生矣。因緣生故而無自性無自性處生性否得也。不得一等者穢土修觀因淨土往生果因果既是別故。

云不得一以穢土修因相續往生果若是異何由以因續於果故云不得異彼下品生人等者法性無生觀解之人當上品生今舉最下云下品生其實中下六品皆不知法性無生也。言見生者見實有義亦是執義以實有見執生極樂故云見生見生之火等者譬如水上燒火火猛水解水解火滅故見生火自然滅時混同無生智水也是雖見生無生往生非見生卽無生義故屬一往也以情超入等者不改實我實法執。

情直入佛地故云超入十方等者楞嚴經文也
薄伽梵有六義今畧之涅槃經云能破煩惱名
婆伽婆矣薄伽梵婆伽婆梵音楚夏耳是則諸
佛通号也即是涅槃門一路涅槃門引答之意
從佛意方見之十方諸佛唯此一路更無異路
我等行處全是諸佛行處也唯佛等者獨猶但
閑法也言彼界唯一佛乘而但有清淨法故云
唯佛一道獨清閑論註云同一念佛無別道故
矣一切等者是六十華嚴第六文引論註極解

脫道名無身人即是佛果引此二文唯佛一道
無身人故更無餘乘故我等願處全諸佛解脫
也上來釋見生當體無生行願自下明往生已
後得益故云何況等也

論註下

一應化道者佛於閻浮提說十地位階應一途
漸機化道也此經位不經位者論註有二番問
答初問曰案十地經問答偏明經劫經位後問
答中始明經劫經位終引一生補處願明不經

劫不經位也。上教門者，初地七地菩薩，即時不能證得。八地已上，寂滅平等，經劫經位，故云教門。下實義者，正依願力速疾至，一生補處位，故云實義。此是本願真實利益，故云實義。非是四義中實義也。上下共實義者，上經劫經位，約本願所除別意樂，菩薩是亦本願利益，故云實義。依淨土不共德等者，意樂菩薩為衆生，故經歷多劫行菩薩道，不進上位。雖然淨土德義身居下位，得上位德，是故七地已前，菩薩得八九十

地德也。即悟等者，上上品人，生彼土已，即時得初地，無生也。觀經云：聞已，即悟無生法，忍矣。言經宿者，上中品。華合經：一夜名曰宿也。經云：如大寶華經宿，則開矣。上中品人，經一小劫，登初地位。經云：經一小劫，得無生忍矣。上下品人，經三小劫，登初地位。經云：經三小劫，住歡喜地。比彼地前得益者，上上初地。上中上下地前，然言地前得益，言揔意。別地前，言雖似通三品意。局上中上下二品也。地前有長短者，上上，即悟短

之中短上中一劫長之中短上下三劫長之中
長卽悟無生位在初地然言地前長短亦是言
揔意別也一上者指上三重中初重二重云上
也今第三重二意者一自國菩薩速至補處也
一彼處不退已下新生凡夫明速至補處也但
今文等者阿鞞跋致此云不退轉今論文以三不
退中初地已上行不退同八地已上寂滅平等
而更不取地前凡夫故云但今文所言今文者
論云卽見彼佛未證淨心菩薩畢竟得證平等

法身與淨心菩薩與上地諸菩薩畢竟同得寂
滅平等故比一生補處名亦可然者衆生生者
皆不退故雖可說衆生生者皆是一生補處少
分有別意樂菩薩不至補處故說多有也設釋
者上三重中初云設雖於地等是也况釋者三
重中第二云况彼親生等是也非謂今論等者
安樂集云十方人天生彼國者等是明不虛作
住持通凡夫也或可本願所除者問一生補處
願爲地上菩薩誓之觀經一三劫地前也何云

本願所除乎答一生補處願之利益通凡夫故意樂菩薩可通地前又西河釋云等者補處願云地上本願然今文釋其有衆生令通凡夫故置又隔也彼師本涅槃宗故依佛性內熏釋有願成佛心願成佛心者即菩提心也論註云無上菩提心即是願作佛心云大經云等者一生補處願取意也倫次第義三賢十地位階次第是云常倫若生淨土不經三賢十地次位速至等覺故云超出至成已下明至佛位迴迂迴義

後房六切往來爲後後分教意等覺菩薩有入重玄門倒修凡事迂迴道往來難若生彼國非但速疾到等覺位至成佛道亦是速疾故云更無迴復之難八地已上等者起信論以初地名淨心地證真如故今意不介七地已前名未證淨功用位故八地菩薩名爲淨心無功用故七地已還已下明不從一地至一地取要言之言七地已前八九十地未證證淨下地上地詞聞雖似有淺深異意唯一等覺以云同得寂滅忍

故所言寂滅忍下品寂滅忍卽第十地也仁王
經意等覺菩薩攝第十地而不別立彼經說妙
覺云三十生盡等大覺說第十地云二十九生
永已度餘有一生彼經第十地當等覺一生補
處文理顯然也問註釋等者生彼國土見跡陀
佛七地已前菩薩得證八地已上平等法身故
云身等同得寂滅平等之法故云法等問意論
註判龍樹天親願生爲得身等法等不取凡夫
何攝凡夫乎也答可知未證淨心親當等者問

龍樹初地菩薩故親當未證淨心天親內凡位
何云未證淨心乎答撲揚云位居明得道隣極
喜比從隣近義令一同也弘決云天親龍樹內
鑑冷然上已

安樂集下

無漏相者一義云從彼佛清淨無漏心修起淨
土佛心無漏所現淨土亦是無漏故名無漏相
一義云彼佛證得於本來無漏性功德本有無
漏性德全成莊嚴淨土故云無漏相鸞師判性

是本義即此謂也楞嚴經云一一皆是清淨無
漏一真無爲性本然故比取相者取是執義也
狗執也塵累者煩惱也累力佳切繫也忻淨者
欣通作忻愛佛功德等者法事讚云不貪淨土
無生解脫障比既以不貪淨土爲解脫障貪欣
淨土出離要道也愛小衆涅槃等者對大衆且
名不善愛也法既本妙者一切諸法從本已來
無非中道故云本妙治生等者法華玄一云一
切世間治生產業皆與實相不相違背一色一

香無非中道比釋籤云資生產業意全同爲資
生身賈人買賣農夫耕晨謂之治生產業真諦
體一等者安樂集記云搜原則冥者真如緣起
成淨穢故淨穢全一比俗諦用二等者楞嚴疏
二云衆土穢土以有漏識爲體煩惱造業所共
感故諸佛淨土以無漏智爲體真如淨用之所
現故經云唯有等者大集月藏經取意也凡夫
智淺等者凡夫智惠淺故多依有相得往生也
無相爲體等者集上云知無相離念爲體而緣

中求往生者多應上輩生也。比知生即無生云。無相為體。緣者所緣境。即二十九句莊嚴也。求者能求心也。雖解無相緣。依正莊嚴事。求往生。故云緣中求往。二諦等者。集上云。理雖無生。然二諦道理非無緣求。一切得往生也。比問真諦前不取相緣求。偏在俗諦。何云二諦道理非無緣求。耶。答淨土具二諦。入一法句。真諦理二十九句俗諦事。上輩生人同解二諦。而得往生。故云二諦道理非無緣求。願取等者。集上引維摩

經云菩薩亦如是。為欲成就眾生。故願取佛國。願取佛國者。非於空也。比菩薩願取佛國。為成就眾生也。眾生願取佛國。為得往生。故云非於空也矣。

群疑論下

靡墜者。靡無也。墜猶毀。雜修者。專雜二修。名義如選擇集。并决疑鈔。万不一生者。釋禮序。千中無一千。無一失者。述禮序。十即十生。等問今論。不釋雜修。堪能機。偏舉不堪機。釋万不一生。有

何意也答為捨雜修令行專修偏作奪釋也此
 經下文者對上文之詞也今上下文連續而明
 其義菩薩處胎經第二云欲生阿彌陀佛國者
 皆深著懈慢國土不能前進生阿彌陀國億千
 萬眾時有一人能生阿彌陀佛國何以故皆由
 懈慢執心不牢固此文中一人能生者雜行堪
 能機一家釋百時希得一二等即此義也何以
 故者問也皆由下答也問意何故皆生懈慢不
 生極樂乎也答皆由懈慢執心不牢固故是知

者知善導釋雜修不至心者符合胎經皆由懈
 慢執心不牢固文故云是知彼論云正與處胎
 經文相當即此義也雜修之者為執心等者問
 雜修之者無執心牢固人乎答雜修之機有其
 二類一謂至心即生報土此是雜修執心牢固
 二不至心即生懈慢此是執心不牢固也問雜
 修有執心牢固人余者何云雜修者執心不牢
 固乎答雜修執心牢固人少執心不牢固之者
 多故約多分云雜修者執心不牢固也雜修不

至心有二類一、生懈慢二、留生死今留生死人
不論之也雜修不至心義且如次疑鈔直牒懈
慢者懈怠也慢怠也慢與慢同師資者師弟義
也韻府引老子云善人者不善人之師不善人
者善人之資故曰師資矣指南者示方處義也
此論第二卷等者論意云攝論云唯願別時意
今淨土論明五念中身業禮拜口業念佛意業
觀察三念門行作願迴向二念門願願行具足
決定往生豈是別時意乎如是會釋破他師謬

練磨別義也若約父子相符義感師意可五念
皆起行也五正行者前後五正行詞指五念門
也符合相傳旨者指下所引辨師義也又高祖
上人云等者上廢餘者廢一切行唯立一行今
空師義五念一行三昧具德一往言表而似有
異故置又隔再往造著一行之上五念門故念
佛之外非有五念故云亦同于福禪林吉水等
者感師三昧發得論七云學念佛定令聲不絕
遂得三昧見佛聖衆映然常在目前諸修學者

唯須勵聲念佛三昧易成子若不信請試學矣
觀師三昧發得十因云予為知先賢獨在閑室
勵聲念佛即得一心敢以不亂誠聖言不隨地
行者可仰信上空師三昧發得如上人傳第七
卷夢定親聞者上人夢中相羨義也光明千福
師資者問大師所造五部中禮讚放光顯瑞然
此別紙不釋禮讚有何意也答古來傳云禮讚
奧旨三心五念四修在結歸一行三昧此是不
可出口外故不可題筆點故云私云今此論文

群疑一部七卷眼目為此文眼目故釋禮讚奧
旨故釋顯今此論文全是禮讚別紙故不別釋
也所以知者上云釋顯師資稟承無相違今亦
云師資無異下復云師資一轍故今論云等者
論第三念佛五勝中第五威力勝文也或深或
淺者無相念佛名之為深口稱念佛号之為淺
今此淺深是一往義再往之義如火疑鈔第一
此皆等者指三文益兆載如大經鈔故力加持
者論云故威力有二意一論云威力勝不名故

威力勝故字承上起下之語而唯是果上威力也一今判兆載末劫故力加持故者舊也指因位行功果上利益依因行力故加持如上師資一徹已下釋今本文也韻會云轍通作徹矣金口者弘次云金口者此是如來黃金色身口業所起故云金口所說上釋迦彌陀等者散善義云定依行佛遣捨者即捨佛遣行者即行佛遣去處即去是名隨順佛教隨順佛意是名隨順佛願是名真佛弟子上已

往生要集下

此序從初至不歸者即題目也但顯密已下是破題也言道俗者出家名道在家名俗貴賤之言通道俗也顯密等者非聖道門上極樂教行是揔句也顯密事理是別句也言指上教下云顯密教法亦指上行下云事理業因顯密事理共淨土教行也為此土入聖修顯密事理即聖道門也為往生淨土行顯密事理是淨土門中雜行也故往生諸業門云此等顯密諸大業中

皆以受持讀誦等爲往生極樂業也。比頑魯者
愚鈍義也。頑愚也。魯鈍也。敢進也。忍也。私云者
此語在五箇處皆是祖師上人語也。預先也。第
八門有三重等者如下。諸行不尠等者往生諸
業門。雖明諸行往生是少分也。不慙懃者不委
義也。韻會云。慙懃委曲貌。諸行往生隨機欲故
少分明之故云。無勸初心觀行等者。十信已前
底下九夫是名。初心極初心機不能修行無相
理觀故云不堪。一者別相觀等者。要集記五云。

問此三種觀名義如何。答觀於佛身一一別相
名別相觀。觀佛摠相色身光明等名摠相觀。畧
觀依正二報自往生等相名雜畧觀。對觀四十
二重故名爲雜對上摠別二相廣觀故名畧。上已
或依歸命想等者。今此三想隨時隨人而可相
替。故云或依歸命想者。歸依彼佛言南無者。卽
是歸命故。歸命想可三心也。辨師云。歸命想本
尊向東行者。向佛歸命也。矣。引接想者。欲預來
迎辨師云。引接想本尊向西行者。隨佛後成往。

想矣往生想有二意一云往生想者欲生淨土
別時念佛門云次定作往生想華臺聖衆來迎
接想矣此文上六字往生想下八字引接想先
來迎引接釋往生想故欲生義也一云往生想
者生極樂後可誇快樂兼想像也辨師云故上
人往生想似普觀故難及我分源空住引接想
矣加之今三想次第引接想後釋往生想故已
生義也一心稱念者但策稱念無他想間名爲
一心明種種觀者一義云結上別相等三觀言

爲不堪觀念機示歸命想等故知種種觀者上
別相等三觀也一義云明種種觀者通下稱念
既一心稱念下結明種種觀知稱念亦屬觀但
至不堪觀念文者凡觀之言所望不同不堪別
相等三種觀故云不堪稱名意地三想云觀有
何妨乎觀念法門云想念阿彌陀佛等卽其證
也行住座臥語默作作者此辭在止觀二四威
儀加語默是云六作辨師云語默念佛者對他
談時我出聲聞心中不忘云語念佛他人語時

我_ス不出聲_ヲ口中_ニ稱念_ス云默念_ス念佛語約_シ自身出聲_ス
默約_ス我_ス不出聲_ヲ作_ト者通_シ一切所作也常_レ以此
念在胸中_ト者作者本意唯在_レ稱念故云在胸_ト今
云常以下云常存_ト所言常_ト者即無間義此指_ス四
修中無間修_ヲ往生最要出離秘術寤寐莫忘_ト者
將_レ睡眠_ニ宜_ク唱_フ佛名稱_テ名_ヲ眠人夢見勝相亦心念_ス
矣上諸門者要集上云摠有_レ十門分爲_レ三卷一
厭離穢土二欣求淨土三極樂證據四正修念
佛五助念方法六別時念佛七念佛利益八念

佛證據九往生諸業十問答料簡_ト比_レ厭離有_レ七
者六道及摠結欣求有_レ十者聖衆來迎等十樂
證據有_レ二者一對十方勸西方二對兜率勸西
方正修有五者禮拜等五念門助念有_レ七者一
方處供具二修行相貌三對治懈怠四止惡修
善五懺悔衆罪六對治魔事七摠結要行大善
提心等者摠結_ス要行_ヲ而有_レ七法一菩提心二護
三業三深信四至誠心五常無間六念佛正業
七迴向心大菩提心大衆綱要故三輩通說善

提心要集上引安樂集云大經云凡欲往生淨土要須發菩提心為源云以斯義故為往生要護三業者觀佛三昧經說持戒助念佛行故以持戒為往生要十重四十八輕者如梵網經問觀察中等者上所引想相別相雜畧等觀謂之觀念行住坐臥語默作作謂之稱念助念意者助謂能助念謂所助上七法中第六念佛所助正業其餘六法能助助業故云助念問念佛等者今問云念佛自滅罪何必持戒答云一心念

如所責斯乃於七法中除持戒證也爰以祖師上人云如說念佛不必可具持戒等矣所言持戒等者等取菩提心何以得知作願門云大菩提心雖有異說欣淨土之願九品皆應具矣此是除菩提心證也問於七法中以稱名為正者三心無間亦可除之乎答不然三心無間念佛安心作業故必可具之一占察經者於十文中下九文局弥陀今此文摠通諸佛靈芝弥陀經義疏引此文畢云餘諸佛名聞持尚亦况我弥

陀有本誓乎矣要集云如上觀察者觀於地藏
菩薩法身及諸佛法身與已自身平等無二不
生不滅常樂我淨功德圓滿此此是無相念佛
也此集之意念佛語通有相無相有相為正傍
通無相四觀經云等者第四六七八畧文也集
下云四觀經云極重惡人無他方便唯稱念佛
得生極樂矣要集記云問經無此文答是取意
文最叶經旨有說云後一條御宇出離無疑往
生指掌肝要明文可擇進之由勅諸宗之處異

處同心而各進此文誠有所以哉此八般舟經
云等者觀念法門引般舟三昧經云問持何法
得生此國阿彌陀佛報言欲來生者當念我名
莫有休息即得來生此斯乃稱念也但作者所
覽本參差集云八般舟經云阿彌陀佛言欲來
生我國者當念我等矣今師意通觀念歟唯說
念我不說念我名故此中觀經下下品等者要
集記云問於十文中二三四六七八九文唯念
名号何限觀經下下小經鼓音聲經云念名号

答實可然，但此三文外，諸師異解。又但云念無名号，言故且除之。若依光明大師之意，第五文證唯在觀念往生論文，可通觀稱稱讚歎，故其餘七文一向稱名，比其餘行法，因明等者，正依三經傍依經說，諸行往生名，為因明諸行功能。普而因明往生利故，言直辨者，正依三經傍依經說，念佛往生名為直辨安養，正因佛本願故。復次衆生等者，修行信心分文也。初學是法者，真如三昧也。當知已下，為不堪真如三昧機。正

明念佛往生，因緣斯乃今所用也。契經多以等者，問乍引論文，何云契經多以念佛為往生要乎。答上難諸經所說，隨機為通，此難引理盡論。今論通依百億部經，故從本說，名曰契經。言四依者，雖有三說，今依一說。初依地前第二依，是初二三地，第三依，即四五六地，第四依，七八九十地。馬鳴論主八地菩薩，故云四依。言理盡者，理謂道理盡，謂窮盡即是道理窮盡義也。弥陀自說行即文云者，此下云念佛自說言當念我

名号是不正本云佛自既言當念我乎即正本也諸行如來隨機佛說者經藏隨機有設教故念佛四依理盡論說者論藏正依法相說實義故俱舍論云素怛覽言因別意趣阿毘達磨依法相說上往生階位者第十問答料簡門有十事中第二往生階位也問他力往生末法易得之法何云近代來者千万得者無一二答集無實行者名爲千万近代實行設雖千万而無一失故禮讚云十即十生百即百生設雖凡下三

心易具往生何難斯乃爲勸安心舉無實者也信心不深若存若亡等者問其相如何答初信弱故存亡叵定行亦軟弱如攝論云若人有信心則於善無厭次信不一故不專一行業不成就後信不續行亦廢退此三如次心弱多境時少也安樂集云信心不淳今集云信心不深淳猶深也三心者信心深信心一信心相續故名三信此三隨順弥陀名義故云相應問此三心與至誠等三心同異如何答今舉信心若能具

信前後二心自然具足故今三信卽至誠等三
心也其證不可外求云若具三心不往生者無
有是處是也若欲捨專等者專謂專修卽正行
也雜謂雜修卽雜行也若捨正行修雜行者百
中一二子中五三得往生也百時者時中也言
如上者等者問百卽百生往生唯在稱名何指
五念門乎答此約助正兼行之機矣

教相樞要鈔下



法苑珠林卷之

寬永拾九年壬午正月吉日京 藤橋通醍醐町開利山理兵衛

照卷

知空王

